

四庫全書存目叢書編纂委員會編

四庫全書存目叢書

齊魯書社

四庫全書存目叢書編纂委員會編

齊魯書社

四庫全書存目叢書

史部
第六一冊

責任編輯：孫言誠 賀 偉

ISBN 7-5333-0535-3



9 787533 305352 >

2002/05

四庫全書存目叢書·史部六一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第六一冊目次

史部·詔令奏議類

李襄敏公奏議十三卷首一卷

〔明〕李遂撰

山西大學圖書館藏明萬曆二年陳瑞刻本

..... 一

楊襄毅公本兵疏議二十四卷

〔明〕楊博撰

浙江圖書館藏明萬曆十四年師貞堂刻本

..... 二二五

李襄敏公奏議十三卷首一

卷

〔明〕李遂撰

山西大學圖書館藏明萬曆二年陳瑞

刻本

附《四庫全書總目·督撫經略

疏八卷》提要

李襄敏公奏議序

南京兵部尚書克齋李公既歿之明年伯子進士君棻仲子主事君材輯其平生所為奏疏蓋繇祠郎暨督撫以至大司馬厥所敷陳建樹咸備迺彙次為若干卷刻之君子觀之莫不為之咨歎遜伏肅然起敬焉曰昔在

世宗皇帝體上聖之資創定禮樂獨斷百王李

公為祠郎佐太宗伯明秩祀典規畫廟制

奏議卷

辨儀正禮斥妄守經南宮諸所覆議必諮

而後上罔不當

上意元公鉅卿倚之為重故觀祠部之疏稿其

贊大議則經制之文也自倭夷侵擾江淮

流毒至慘公由廷臣薦起開鎮淮揚時糧

匱兵單百務草創而賊蹤方熾棘需撲滅

助勦疲困經理為艱公至則請糧調兵選

將飭武拯災恤困料敵設權始戰於通泰

而賊氣沮奪繼戰於廟灣則遺孽無存諸

所題奏皆取具倉卒然內無滯思外無留
筆故觀淮揚之奏疏其夷大難則經濟之
猷也洎轉南少司馬適留都兵變百司皆
相顧震恐公獨挺身單騎馳入亂軍中諭
令解散已乃廉其首惡置之法而慰撫其
脅從都城遂定尋進大司馬以兵習驕悍
潛生亂萌隨擒治妖徒誅鋤奸本什伍要
約營兵帖然諸所規條皆灼中窾肯故觀
本兵之奏議其定大變則經國之謨也夫

奏議卷之首

古之賢豪其以功業著稱者不為少矣顧
達于吏才者文學或歎優于文事者罕著
武功鮮有能兼者惟宋范文正公秉先憂
後樂之志入參大政則正言讜議矯弊黜
邪屹然重于朝宁出師外延則整飭兵戎
恢揚廟略俾西賊懼而稱臣其文學政事
之優施無不可故宋一代稱之為豪傑公
少稟剛毅正直之氣負雋偉恢廓之才既
長即致力於聖賢之學妙悟神解充然有

得於中弱冠登朝再忤權貴備嘗艱劇復
返幽棲故其明智蓄而愈光才器練而益
大是以見之勳伐則炳炳烺烺若此實繇
學以充其才也嗟夫才高者忌功大者危
茲古之志士所以恒為扼腕昔文正在慶
曆時已受知春漸執宰衡而為朝士所不
悅欲加譖害尋即自請補外天下惜之公
為南京大司馬參贊機務

奏議卷之首

夫子每密劄下宰臣問公安在亦既受知將柄
用之矣乃外讒內沮卒置之疎迹鈞衡之
召竟虛焉謂天下之望何哉使及其時召
而用公當必整齊憲章折衝寇亂慮猝應
變立中機宜南倭北虜之捷伐豈足道哉
而卒不果尋移疾東歸無何不起矣天下
之以惜文正者惜公蓋異世同符也雖然
公雖不獲左右明主殫竭其才而功在帝
室澤在烝黎言論章疏布在簡冊亦足儻
然表見於世他無論矣

隆慶三年九月既望

賜進士嘉議大夫都察院右副都御史前巡撫

湖廣等處地方兼贛理軍務邑人徐南金

撰

督撫經畧序

是編也大司馬豐城克齋李公所督撫淮揚時經畧諸疏也予伏讀之大畧公之個儻卓犖之才而為世所不及者有三其一公以逆旅草創其間一切開府列圍選將徵兵竝公所手自擘畫尺寸不易其二則江以北為郡者四爾兵興以來歲數告饑內帑復閉其流離窘困抑已甚矣而公獨起而抗之且經且營遂及列壘而成飽師

奏議卷之四

中

奏議卷之四

五

而戰其三則故時海寇所嚮無逆刃者屢矣間及俘其游卒覆其偏旅必其捆載而出者然後及擊其情歸稍稍為功耳公又能獨當寇之未至分子布美部署諸將乘瑕蹈釁動中機宜方其寇之始入也若鹿之觸網抵罟而公之逐之也如迅雷赤霆之馳而風雨夜至匝月之間俘斬數千海夷之共為分道而入者卒無一旅東還而數年來江南北晏然絕無舉燧之警公雖

擢且去於今猶及以身後為功者此則公之功業之可見疏中所載次第也而惜也疏所不載者或未之及也予少從公遊公之識沉而器重思深而志遠方其釋褐郎署時輒以洛陽賈誼自負翩然有蓋世之氣矣及為時權所排沮而出翔翔州郡藩臬者十餘年始列為御史中丞又未幾適北虜騷繹輦轂下飛

詔檄公又為執政者坐釁策免歷十餘年國家

多故

奏議卷之四

六

天子盱食公及再躡再起而功名所收天下卒遂巡紆徐以其去就為安危者如此嗟乎若公者其古之所謂社稷臣者非與假令曩之執政苟不挾所私憎以為狙擊而及其年之壯氣之方盛而用之譬之瘍醫者及瘍之始孽而灼其所震撼中外為功於國家者吾不知其何如也而惜也抑既後矣雖然按公之齒未涉六十客或指公席

次劍畫國家事躍然若掌者或謂國家無大故則已脫有大故二三十年間猶及內倚之為博陸侯韓魏公策定中朝外倚之為郭汾陽趙克國以其身橐萬里之殊而席天下於泰山之安者非公其誰也乎予愚不能知公竊謂其言似可覆者謹書之左以為它日者之券

茅坤撰

奏議卷之四

七

賜進士出身中順大夫河南按察司副使歸安

李襄敏公奏議序

傳有之國之大事在祀與戎豈不信哉夫議祀禮在準古據經明當世之務不蹙不蓋愉快人心是以難飭戎事在申明

國家紀綱法度呼喻進退間能及亂為治刻陂為平

朝廷氣勢之輕重生靈命脉之存亡恒必絲

馬是以尤難以余觀於襄敏李公奏議何其犁然有當於心邪公豐城人也起家嘉

奏議卷之音

靖丙戌進士積官至尚書中間以忤權貴

故再蹶再起方仕祠部時首闢安都史學之妄孟冬裕祭

太廟時享

世廟議得與祭者自總麻以上喪皆迴避如律

洎秦災異請修省至云攬威福之權辨忠

邪之分此其意蓋有所指矣

世廟因太常祈穀請省牲

命園丘稱天壇方澤稱地壇計以為久而牲

也奏有事壇所稱天地祝祠之文園丘方澤如故卒得請會修

太廟特建

成祖世室及昭穆六廟規制名額悉議如禮覆

嚴州守臣請祀嚴光范仲淹祠狀祠得世

世祀是時宗伯孤卿倚公為重凡覈擬敷

陳罔不曲當

世宗意旨云後以都御史操江移置馬頭教場

操守稱便已提督軍務巡撫鳳陽時開府

奏議卷之音

草創倭奴颺至此淮揚旦夕之勢而天下

安危之機也議兵糧戰馬議將領官守議

運道海防議將材容兵議妖賊姦黨議賞

罰蠲恤俱卓有遠猷畫一上請動中機宜

剪伐倭奴殆盡江左知倭可征自公始論

者謂公為東南武功第一非虛語也又議

修儀真城皆濬塩先憂至計無何留都五

營兵變其注措危緊百倍於征倭公適貳

留樞即單騎入亂軍中諭以大義已乃為

疏奏大較正法安人爲本誅即與亂征殲渠魁不治脇從之義合亂軍始帖帖聽命無何遷京營戎政留兵又變公又晉掌留樞比至留都又申諭大義營兵又帖帖聽命詳具報成事疏中襄敏公前後所上疏且百數咸

朝廷典禮軍國要機議人所不敢議爲人所不能爲皆可世世傳者故得悉數之嗟乎使公得大柄用得平章天下事即潤澤生

奏議卷之首

十一

民即四夷咸賴何憂乎倭夷何畏乎營軍顧當日爲宰相以不附已擯擠之使放棄田里及變起不得已始用變稍稍定即假他遷奪之柄及變又起又不得已復用用不効則顯飾汲引之虛言陰售中傷之隱禍而不知公抱元神之闕朗抽淵膚之經圖黷縷計略瞬聆立集如造父御奔由基釋括非盤錯可得憾窻計術可得抉髓也蓋公生而尚志不群陽明王公撫江西公

從諸生謁郡學聞教躍然退與南野歐公推良知之旨南野避席曰斯文得無在子乎其學問以復性爲宗敦行爲據節義爲防經世爲用故神凝氣定不動聲色遺宗社磐石之休若此我聞豪傑不聖賢者有之未有聖賢不豪傑者夫執聖賢之學而展豪傑之才古今克盡究者幾何觀之吾舍公其奚與歸既以是說復於公之伯子侍御君因繫之曰公所不朽者繫自有在

奏議卷之首

十一

無俟專於論功業矣

萬曆甲戌孟冬望日

賜進士出身嘉議大夫大理寺卿如臯孫應鰲

書

李襄敏公奏議序

古聖賢所以範今垂後彪炳簡冊者豈徒以議論風采之與人殊哉蓋必有大學術蘊藉于中夫然後發之事業俊偉掀揭能不負所言而其言為不虛語有之有德而後能有用有用而後能有言蓋君子忠言讜論根極理要固有然者我

師襄敏公弱冠登第翱翔中外奏議若干篇瑞叨公鄉闈所取士莊誦有年矣今春

奏議卷之首

十一

冢器勺溪先生奉節按楚間以出示藩臬瑞捧泣歎曰嗟夫公其振古之人傑也哉天地有正氣洩之於人為道德為經濟關係于天下後世者甚重公毓英鍾秀挺生江右為名世冠又潛心聖賢之學以斯道自任直節立朝守正不阿始而任祠郎也

當

世皇銳意制作時夏公為大宗伯議更典禮公

每據經執諍因忤其意禍幾不測謫貳湖

郡欣然就道不色憂一時士論咸為不平

已乃稍遷南部出守衢州徐擢兵憲颺歷

藩臬弘敷善政屢滅巨寇風節既著而才

望愈隆矣繼而任操江也盜賊屏跡又因

捕得日本人於賊舟預知東南有事乃奏

改教場為戰守備值北虜入寇召公赴闕

時宰嚴公熈公不附已其子世蕃曾請婚

於公不許又嘗叱挫之計陷落職家食入

年倭夷果大舉入寇淮揚殘破以朝士交

奏議卷之首

十一

薦起公督撫于時軍門創設百需未集而

寇難孔棘嚴方專政一不得請公權宜經

畫裹糧飛芻調兵振武身先士卒誓死決

戰殲倭殆以萬計號文臣南征武功第一

及晉火司馬也留都士卒以減糧戕督臣

鼓噪大亂諸司倉皇震懼莫知所措公單

騎馳入萬眾中諭令解散隨計捕首兇畿

輔以寧大司馬缺僉望公補嚴固沮之調

入而用其他兵復驕肆為不法乃始用公

兵科議上重事權數事勅既就世蕃悉刪
之意陷債事公至布誠宣威馘妖散黨而
二百年興王之業肇然苞桑公真一之學
正直之氣既發之為事業則必煥之為文
章今觀其先後建白各有攸當而體裁論
議實由充養而有得者故讀祠部之奏也
如矩矱之方圓尋尺之長短其紀不可紊
焉而萬世之國是定矣讀淮揚之奏也如
風雲之變幻雷霆之震撼其勢不可禦焉

奏議卷之首

十四

而華夷之大防峻矣讀留都之奏也不窮
如江河不動如山岳其神不可測焉而根
本之重地固矣譬之大匠持墨引繩劑量
已有定制俄而斤者平斧者解丹雘文采
以次施焉斯天下之所以稱良也前敘稱
公勳業備矣而至其洞察天人之故上下
古今之變剖析是非之原莫不本於自有
之良知而出於天理之公人心之正者殆
難以悉其蘊也蓋公殫精聖學灼見道體

敬存於靜養明炳于幾先故至一觀動而
天下事沓來紛至洞然於胸中是以疏議
所陳皆實學所發以定國是而後世守其
規以峻大防而中國壯其氣以固根本而
奸孽遏其萌而公平生志在天下國家者
不可槩見其大乎
世皇嘗密劄問公安在則亦深知公矣使不為
時所忌而終用之則其翊贊
鴻猷數貴

奏議卷之首

十五

帝命經綸之績又豈特如奏議之所載已哉雖
然天之相人家國有深意焉豐於德者其
祐必篤晉於前者其後必昌昔范文正公
督撫江淮晉副政府卓然為宋名臣乃不
獲盡究厥施而其後忠宣恭獻相繼而起
君子以為范氏之得天與天之報范氏者
有自也

襄敏公德業位望與文正同而未得盡究其
用也亦同乃今

勺溪先生以實學真才為名侍御甫駐節
 即惓惓以興禮教厚民生為首務風裁振
 肅百度維新儼然公之懿矩也而其仲見
 羅君僉泉南廣秉憲宣猷蕩平尚寇頡頑
 胡時視忠宣恭獻之賢又奚讓焉文正公平生
 箋疏得二子以永其傳故頌文正之忠者
 稱二子之孝不衰然則是編之成世濟其
 美固公之所以為忠而實伯仲之所以為
 孝也宜其流布宇內與國史共不朽矣瑞

奏議卷之四

六

不佞牙門墻無能為役既錄諸梓復追敘
 疇昔之感端拜而謹書之見忠臣孝子之
 心無窮也

萬曆二年六月朔旦湖廣布政使司左布
 政使晉安門生陳瑞頓首拜書

李襄欵公奏議卷之首目錄

卷之一 祠部稿

參劾儒士安都進呈史書疏

覆議大臣期功廟祭當迴避疏

類奏災異請飭脩省疏

類奏災異疏

定擬園丘方澤天壇地壇徽號疏

議祭歷代帝王禮儀疏

南京太廟災請行祭告脩省疏

奏議卷之首

七

卷之二 祠部稿

奉勅詳議南京太廟不必重建疏

計度廟制以重謀始疏

進呈世室七廟規制疏

再議世室七廟規制疏

奉旨擬定七廟名額疏

覆議魏國公主祀孝陵疏

議令嚴州崇祀嚴光范仲淹疏

覆御史鄭坤廟災建言疏

地方極重災傷懇乞蠲恤罷黜疏

比例陳情乞恩侍養疏

卷之三 操江稿

操江到任謝恩疏

遷移馬頭教場以便操守疏

覆議江淮總兵駐劄體統疏

薊州督餉請 勅疏

以上奏疏自嘉靖十二年起至三十九年止

卷之四 督撫稿

奏議卷之首

十一

督撫到任恭謝 天恩疏

預處兵糧以防倭患疏

議處兵馬以備戰守疏

定官守以一政體疏

甘保犯罪將領殺賊立功贖罪疏

乘時議處兵餉以戒不虞疏

議處運道以裕國計疏

卷之五 督撫稿

亟處海防將領以備守禦疏

量留班軍疏

勦捕妖賊以息亂源疏

懲前慮後陳愚見以裨邊務疏

首獲姦細疏

計處錢糧以濟牽挽以蘇災困疏

凋疲殘民復罹重大災傷懇乞蠲恤以固

邦本疏

亟缺邊海守備乞就近推補以便防守疏

卷之六 督撫稿

奏議卷之首

十九

明職任分信地以便責成疏

亟處把總官員以備防禦疏

乞留朝覲正官以安地方疏

懇乞專官督練兵馬拱衛 陵寢保固重

地疏

殘民迭罹重災懇乞蠲恤疏

殘民迭罹重災懇乞蠲恤以固邦本疏

軍餉十分缺乏懇乞預處以備防禦疏

議調客兵以防春汛疏

卷之七 督撫稿

請明重地城垣以便興作以圖永安疏

舉劾兵備官員以備黜陟疏

舉劾有司官員以備黜陟疏

薦舉遷謫官員以全器使疏

殘民復罹重災懇乞蠲恤疏

飛報倭情疏

續報重大倭情疏

倭奴大舉深入乞借見在銀兩以濟急需

疏

怯懦將官縱寇深入懇乞示顯罰以振軍

紀疏

卷之八 督撫稿

官軍奮勇斬獲倭首賊勢挫敗疏

官軍連戰斬獲賊勢敗遁并續報重大倭

情疏

仰仗 天威官軍合戰敗賊飛報全捷疏

仰仗 天威官兵奮勇勦殺續到倭寇盡

絕疏

降勅獎勵恭謝 天恩疏

別境飄至倭寇隨即勦捕斬獲首級疏

卷之九 督撫稿

倭奴大舉分道入寇仰仗 天威官軍節

次勦絕重地寧謐飛報捷音疏

卷之十 督撫稿

賜銀幣錄蔭恭謝 天恩疏

飛報緊急倭情并叅地方將領縱寇病隣

流害重地疏

仰仗 大威官兵奮勇斬獲首級數多飛

報捷音疏

官軍獲級未賞續寇併臨錢糧十分詘乏

懇乞 天恩速賜處發以濟急需疏

江南流突倭寇仰仗 天威官軍連戰斬

擊殆盡再報捷音疏

地方非常旱災自劾不職乞賜罷黜以弭

災變併乞破格蠲恤以安重地疏

忠勇將官力戰陣亡懇乞 天恩厚加優

恤以勵人心疏

續到倭寇仰仗 天威擊斬盡絕無一生

還飛報全捷疏

卷之十一 督撫稿

賜銀幣恭謝 天恩疏

請明 勅書以便遵守疏

建築第一要害城垣以保障重地疏

薦舉才賢以備擢用疏

奏議卷之十

三

薦舉境內才賢疏

論列武職官員疏

以上奏疏自嘉靖三十六年冬起至三十八年冬止

卷之十二 本兵稿

定廟謨以安重地疏

赴任感激 天恩恭申辭謝疏

議處家丁工食疏

議處營官以肅軍政疏

遵奉 明旨督發兵將協力勦賊以安地

方疏

緝獲妖人以安重地疏

乞復守護 凌寢舊制軍士以固根本疏

議處將領以安重地疏

議處營官以修戎政疏

卷之十三 本兵稿

土兵新練不能禦敵乞賜預調精兵防奔

突殘害疏

營兵已戡重地永安謹遵 明旨進繳

奏議卷之十

三

勅諭以報成事疏

披瀝血誠懇乞罷黜以謝人言疏

慰留謝恩疏

循例自陳乞賜罷黜疏

患病不堪重任懇乞休致疏

議復操江兵費事宜疏

議處場租以便徵納疏

查盤枉抑懇乞 天恩辯明寃陷疏

患病危篤不堪重寄懇乞 天恩放歸待

盡疏

擒首惡以安重地疏

計擒首惡預上內閣本兵揭帖附

風霾應詔自陳疏

李襄敏公奏議卷之首目錄終

奏議卷之首

三十四

李襄敏公奏議卷之一

祠部稿

參劾儒士安都進呈史書疏

祠祭清吏司案呈奉本部送禮科抄出河

南開封府太康縣儒士安都奏臣聞垂世

立教在六經而麟經則條其斷例賞善罰

惡惟二法而世史當遵其宏規舉先聖之

謹嚴以措之於書法酌往古之邪正用陳

之於明時衍先儒之緒餘為

奏議卷之一

聖朝之勸戒惟知輸愚蒙之惘罔暇顧借越之

誅原其歷世全史萃卷有充汗之繁觀夫

東萊詳節省文為拘攜之數善詳所節固

無俟乎盡言論欲其公亦須定其紊亂竊

觀詳節之立法惟蹈古史之遺文雖曰因

循為可傳孰若品定為盡善况是其是非

其非自無異議若賞當賞罰當罰庶恆人

心觀其處士貧賤之退羞與夫姦雄苟得

之進貴四皓紀信之黜削楊雄苟或之褒